

Von vogten vnd pflegern LIIII

Zu der dritten vogtie

sol dheimerungen werden.

¶ Desglichen het einerzwo vogtien/so ist er nit schuldig/mag ouch nit zwingen werdē/die dritten ouch anzenemen/Ob aber einer schaffnyen gūts willens an sich genomen het/der mag sich vor den vogtien nit entschuldigen.

Welcher kranck ist sol

zu vogtien nit zwingen werden.

¶ Item welcher seiner glieder onuermöglich/betrysig/oder sunst mit lang würiger kranckheit beladen/der ist nit allein entschuldigt/besonder ouch ob er es gern thün wolt/so sol er nit angenömen werden/dergliche setzen wir ouch von plinden/vnghebrüden vnd touben.

Welcher in fyendschafft der

Eltern stat/der ist nit schuldig vogtien anzunemen

¶ Ob ouch einer mit der künden vatter vnd mütter in schwerer fyendschafft/oder mercklichem vnwillen gestanden/vnd vor item absterben nit vertragē/oder vereibert were/der hat nit allein entschuldigūg/sonder ob er nach der vogty self statte/das sol im nit zūgelassen werden.

Welt ein vogt ander vrsachen

dan wie obgelitert ist/fürwenden/das sol zu eins
Kats erkantnuß stan.

¶ Ob einer ander vrsachen/dan wie obstat/anzögen würd/namlich seiner gewerb/künden/oder armut/vnd anders halb/so sol sin entschuldigung allweg zu vnser erkantnuß stan.